

Seminario di Rotaract Club of Aruba tabata sumamente exitoso



Diasabra ultimo a tuma luga den Alahambra Ballroom e seminario "YOU Inc. Excel Professionally and Beyond" organisa pa Rotaract Club of Aruba. E seminario aki tabata un exito total. YOU Inc. Excel Professionally and Beyond a wordo atendi pa un cantidad grandi di young professionals, young entrepreneurs y studiantenan di studio avansa di Aruba. E participante nan a keda hopi satisfecho y contento cu e invitadonan special y e seminario.

E prome meta di YOU Inc. ta pa yuda y/o aporta na e desaroyo profesional y personal di e participantenan. E tema di e seminario e aña aki tabata comunicacion. Sra. Joyce

Bartels-Daal a habri e mainta aki elaborando ariba e importancia di lenguahe corporal cu por wordo uza pa yuda bo na momento di duna un presentacion pa publico. Sra. Joyce Bartels-Daal a practica cu e participantenan e diferente conseho y lenguahe corporal. Esaki ta yuda bo crea confiansa den bo mes.

Tambe tabata presente Sra. Vanessa Gomes cu bin for di Curaçao a siña e participantenan con nan por identifica nan "Social Super Powers" y con nan por uza esaki ora di comunica cu otro den un manera cu ta duna bon resultado. Sra. Vanessa Gomes a bay over na laga e participante nan haci un tarea pa identifica diferente habili-

dadnan social y despues discuti esaki cu otro participantenan. Despues di come Sra. Corinne Voermans a laga esunnan presente haci un par di ehercicio fisico pa haya mas energia. Por ultimo Sr. Patrick Melchior a splica e importancia di "branding" y con e participante nan por crea nan propio marca. Tur e invitadonan special a comparti consehonan practico y valioso cu esunnan presente por uza di biaha pa asina mehora nan habilidadnan.

E di dos meta di e seminario tabata pa duna mas informacion tocante Rotaract Club of Aruba. Sra. Jeannice Scheper (Miembro Honorario di Rotaract) a informa e participantenan riba e beneficiacion di forma parti di Rotaract Club of Aruba. Tambe a duna un splicacion di e diferente proyectonan di Rotaract y e network local y



internacional di Rotary International.

Na e seminario tur participante a ricibi di Rotaract Club of Aruba un "Goodie Bag" unda cu tin mas informacion di e club. Rotaract Club of Aruba ta hopi contento cu YOU Inc. y kier a gradici tur sponsor cu haci esaki posibel cu ta: Divi Resorts Aruba, Caribbean Mercantile Bank N.V., Rotary Club of Aruba, ClickPrint

Aruba, Elite Productions, Oduber Agencies, Nature's Discount, Romar Trading, Bright Bakery, Lucky Group, Taste of Belgium y Chubby Productions. Un danki tambe na tur e invitadonan special y participantenan. Rotaract Club of Aruba ta spera di conta cu boso atrobe otro aña. Por ultimo Rotaract Club of Aruba kier a gradici Rotary Club of Aruba cu semper a yuda nos den tur forma. □

